



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Societatis Iesv Sive Propugnaculum: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Ioannes Ponce de Leon n. 116

urn:nbn:de:hbz:466:1-38486

A M I N I M I S.

116. * **A** IOANNE PONCE DE LEON *Generalis Inquisitionis Qualificatore, & Hispania Bibliothecarum Visitatore Generali: qui in Approbat. Tom. 1. Viror. Illust. Societ. miris eam extollit encomijs: Omissis autem ijs, quæ ex varijs Aucto-ribus colligit (& in toto hoc opere sparsa continentur) sic ille in tante Matris, filiorumque commendationem latinè redditam erumpit. In hoc, & in alijs Tomis Auctor (is est P. Eusebius Nierembergius) nobis primum Societatis sæculum proponit, eius conceptionem, Organizationem, Ortum, educationem infantiam, pueritiam, iuuentutem, ætatem perfectam in viris suis mirabilibus, quos toto hoc tempore produxit; describens. Indeque eius Genealogia ostenditur miraculosè fœcunda, ob talis Parentis originem, Illustrissimæque prodigiosa, quia Mater est tot, ac tam insignium virorum. Hodie hæc magna Religio 281. Martyribus ditescit, qui eius pulchritudinem exornant, necnon & viris exemplaribus 1447. qui in omnibus scientijs, ac facultatibus Venerabile eius nomen fecere, quorum Operibus diues Hispania, Anglia, Bohæmia, Germania, Polonia, &c. Et postea loquens de Sanctiss. P. Ignatio, Alter (inquit) Abrahamus est, Ecclesiæque magnus Patriarcha apud tot, ac tam varias totius Orbis Nationes, de quo dicere licet, quod de Abrahamo exhibet sacer Textus Gen. 17. vt fieret in gentem magnam, vbi Rupertus aduertit, non dixisse in gentem multam, sed magnam: & vere magna gens filij huius Illustrissimæ Societatis, in qua magni Patriarchæ, Prophetæ, scribæque periti, ac diuersorum meritorum magni viri, passim occurrunt, per quos veram Dei magnitudinem mundus agnoscit. Et rursus addit: Sine lite res est, neminem esse qui se sacræ Societati IESV, eiusque filijs debitorem non agnoscat. Hispania tota eius exemplo à vitijs reformatur:*

*Societas
miraculosè
fœcunda,
ac insigni-
um viro-
rum Mater.*

*Martyri-
bus, & scri-
ptoribus
ditissima.*

*Quorum
volumini-
bus Orbem
vniuersum
ditat.*

*Ignatius
alter Abra-
hamus, &
magnus
Ecclesiæ
Patriarcha
Gen. 17. 5*

*Mira eius
filiorum
encomia.*

*Quam vri-
lis Societa-
tis opera
varijs Na-
tionibus.*

tur: Anglia occultis Catholicis conseruatur: Bohemia, & Germania hærefes abhorrent: Iberniam, & Vngaria Trinitatis mysterium profitentur: Iapones Indiarum ac Gentilitatis incolæ Ecclesiæ obediunt, suorumque Martyrum sanguine veritatem Catholicæ fidei testantur, &c.

AB EODEM *In Approbat. lib. de Triumphis fidei à P. Andrea Perez in lucem editi.* In hoc opere (*inquit*) vtrique orbi mirabilia patent, quæ in Sinaloensi Gentilitate per illustrissimos filios magnæ Societatis operatus est Dominus: per quos (vt ad alium scopum dicit Rupertus) veram Dei magnitudinem cognouit Mundus. *Et post pauca subiungit:* Sociorum prædicatione, heroicisque eorum actionibus, cælum magna gloria ditatum est; Ecclesia filiorum fecunditate; Religio numerosis fidelibus; Mundus singulari luce; Dæmones speciali confusione ac dolore, dum vident per filios illustrissimos S. Ignatii, & infernum minutum iri, & cælum multis incolis auctum. *Et rursus.* Maiores fructus sunt quos hæc Societatis IESU magna Religio in vniuersali fecit Ecclesia, quàm damna, quibus Calvinistæ hæretici, ac Lutherani aduersus eandem perpetrarunt: in cuius rei comprobationem natum videtur, quod Nicephorus Calixtus refert de Ciuitate Constantinopolitanâ magnis terroribus obruta, Constantinus condidit, Syrus restaurauit. lib. 5. cap. 46. Igitur nitantur Lutherani, ac Calvinistæ novas machinas aduersus Ecclesiam moliri, conentur Gentiles bellum aduersus eandem mouere Idolorum adoratione, &c. Tunc IESVS magnam suam Societatem erigit, quæ per omnes Nationes ad ouile Christi tot animas per tenebricosa pascua aberrantes, sua vita, exemplo, continuaque prædicatione reducit. Omnes hi fructus medijs magnæ Societatis Missionibus comparantur, iam Ecclesiæ ruinas reparando, iam eam ad pristinum splendorem reducendo, adeo vt asserere possimus, Christum suam Ecclesiam fundasse, filios autem Syri (qui idem est ac qui ignem producit) eam ad antiquam suam venustatem reduxis-

Per eius filios veram Dei magnitudinem cognoscit Mundus.

Cælum magna gloria ditatum est.

Ecclesia filiorum fecunditate, mundus singulari luce, &c.

Plus vilitatis Ecclesiæ attulit, quam damni Hæretici.

Infideles sua vita, & exemplo ad Christi ouile reducit.

Suis excursionibus.

Societas
fertilis Pa-
radisus.

te, restaurasse, &c. *Hactenus, præter alia multa, indefessus ubique Societatis Encomiastes. Qui etiam in Approbat. Par. 3. de Immitat. Virginis per P. Alfonsum de Andrade conscripta, Societatem fertilem Paradisum appellat. Et tandem in Censura Epistol. P. Eusebii: Illustrissima (inquit) Religio Societatis IESV est, in cuius glorijs noua recognoscuntur argumenta, quandoquidem eius alumni suis æquè doctis, ac fidelibus calamis Ecclesiæ Catholicæ constantia ac firma maximæ suæ eruditionis monumenta præbent. Non aliter de Societate, ac socijs sentiebat, loquebatur, scribebat semper uir iste grauissimus, & in tota Hispânia celeberrimus.*

Illa est vltima
Dominici ex-
ercitus
Pars.

117. A FRAN. FREIRE, Collegij sui Hispalensis Moderatore, in serm. Canonizat. S. Ignatii fol. mibi 7. afferente, S. Ignatium Societatem quamdam præcinctorum militum instituisse, esse vero vltimam exercitus partem, sed talem, vt quamuis in prima veterani milites, fortesque Duces exercitus Dei, Benedictini scilicet, Basiliani, Hieronymiani, Dominicani, Franciscani, Augustiniani, & ceterorum Ordinum acies, collocentur; ista tamen præcinctorum Balani Prophetæ oculos rapuerat, eamque vt præcipuam lumine suæ prophetiæ intuebatur, &c. *Et postea fol. 8. Non modica (inquit) huius Religionis excellentia est Ecclesiæ Pedes esse, ob duo præcipua Pedum munia: quorum primum est, Caput, Corpusque sustinere, ne in terram decendant: alterum, Corpus, quo homo*

Pro Eccle-
siæ Pedibus
destinata.

Cuius Ca-
put, ac Cor-
pus Scrip-
toribus,
Magistrif-
que susten-
tat.

Et Collum,
nempe B.
Virginem
immacu-
late con-
ceptam.

velit, deferre, hinc inde deambulando. O inclyta Societatis Religio! quam Cælum vti postremam pro Sacris Ecclesiæ Pedibus destinauit. Illi sunt qui eius Caput (nempe Pontificem) scriptis adeo insignibus sustentant. Scriptores 300. extant (hodie innumeri) in hac sacra Religione, tot ac tam insignes Prædicatores; tot Magistri; tam insignis aduersus hæreticos zelus; tantus ardor in animabus conuertendis, quid aliud est, quam Ecclesiæ Caput sustentare? Quod si Ecclesiæ Collum Virgo beatissima est, quis hisce temporibus ad eius puritatis immunitatem defendendam, scriptis, Cathedris, sug-
gestis,